

Javno preduzeće «**RADIO TELEVIZIJA ZENICA**»
društvo sa ograničenom odgovornošću ZENICA
SKUPŠTINA DRUŠTVA

Na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine („Službene novine FBiH“, broj 34/03 i 65/13) i člana 9. Zakona o javnim preduzećima („Službene novine FBiH“, broj: 08/05, 81/08, 22/09 i 109/12), a u vezi sa odredbama člana 234. tačka k), člana 247, člana 248, člana 249. i člana 303. Zakona o privrednim društvima („Službene novine FBiH“, broj: 81/15) i člana 24. Statuta Javnog preduzeća «RADIO TELEVIZIJA ZENICA» društvo sa ograničenom odgovornošću ZENICA (broj: 826/10 od 18.11.2010. godine), te Odluke Vanredne Skupštine o raspisivanju Javnog oglasa za nominiranje kandidata za poziciju jednog člana Nadzornog odbora JP «RTV ZENICA» d.o.o. ZENICA, broj: 625/21 od 24.06.2021. godine i Odluke o izmjeni Odluke o raspisivanju javnog konkursa za nominiranje kandidata za člana Nadzornog odbora do isteka mandata, broj: 1164/21 od 02.11.2021. godine, Vanredna Skupština JP «RTV ZENICA» d.o.o. ZENICA raspisuje

JAVNI OGLAS

*za nominiranje kandidata za poziciju jednog člana Nadzornog odbora
JP «RTV ZENICA» d.o.o. ZENICA*

Objavljuje se Oglas za nominiranje kandidata za poziciju jednog člana Nadzornog odbora Javnog preduzeća «RADIO TELEVIZIJA ZENICA» društvo sa ograničenom odgovornošću ZENICA do isteka mandata članova Nadzornog odbora koji su imenovani prilikom imenovanja cijelog nadzornog odbora, odnosno Odlukom o imenovanju članova Nadzornog odbora JP «RTV ZENICA» d.o.o. ZENICA, broj: 297/20 od 11.03.2020. godine, s mogućnošću ponovnog imenovanja u skladu sa Zakonom.

I. Opis pozicije

Nadzorni odbor JP «RTV ZENICA» d.o.o. ZENICA ima sljedeće nadležnosti: nadzire poslovanje Društva; priprema poslovnike i predlaže ih Skupštini; priprema Etički kodeks i predlaže ga Skupštini; vrši izbor kandidata Odbora za reviziju i podnosi prijedlog za njegovo imenovanje Skupštini; razmatra provedbeni propis za postupak nabavki i nadzire njegovo provođenje; daje mišljenje Skupštini o prijedlogu Uprave za raspodjelu dobiti; predlaže način pokrića gubitka; imenuje i razrješava članove Uprave u skladu sa postupkom utvrđenim u Statutu društva; daje ovlaštenja za aktivnosti koje su ograničene propisima Zakona o javnim preduzećima; daje upute direktoru za provođenje preporuka u vezi sa uočenim nepravilnostima; usvaja izvještaj Uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije; podnosi Skupštini godišnji izvještaj o poslovanju Društva, koji obavezno uključuje izvještaj revizora, izvještaj o radu Nadzornog odbora i Odbora za reviziju i plan poslovanja za narednu poslovnu godinu u okvirima postojećeg plana i revidiranog plana; odobrava kupovinu, prodaju, zamjenu, uzimanje u lizing, uzimanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine Društva; nadzire Upravu u provođenju preporuka datih od strane Odbora za reviziju, te vanjskog revizora sa specificiranim rokovima; vrši sistematski nadzor nad poslovanjem i zakonitošću poslovanja Društva; redovno izvještava Skupštinu društva o svom radu; daje instrukcije organima Društva radi otklanjanja nepravilnosti u radu; prisustvuje sjednicama Skupštine društva i učestvuje u raspravi bez prava glasa; vrši pregled poslovnih knjiga i dokumentacije Društva, obavlja i druge poslove predviđene zakonom i statutom.

Kandidati za imenovanje na poziciju člana Nadzornog odbora moraju ispunjavati:

- opće i
- posebne uslove.

II. Opći uslovi za imenovanje su:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni – finansijski interes u društvu u čiji se nadzorni odbor kandiduje,
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije član niti jednog upravnog ili nadzornog odbora, odnosno odbora za reviziju nekog privrednog društva ili institucije,
9. da nije osuđivan za krivično djelo i za prekršaj nespojiv sa dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
10. da nije lice kojem je presudom suda zabranjeno obavljanje aktivnosti u nadležnosti nadzornog odbora i
11. da nije stariji od 70 godina na dan imenovanja.

III. Posebni uslovi za imenovanje

- VSS – VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
- najmanje tri (3) godine radnog iskustva u struci nakon sticanja visoke stručne spreme, odnosno visokog obrazovanja,
- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizacijske sposobnosti,
- rezultati rada ostvareni tokom poslovne karijere,
- da posjeduje znanje iz oblasti rada i organizacije Društva,
- preporuke ranijih neposrednih rukovodilaca.

IV. Potrebni dokumenti:

Svojeručno potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu treba dostaviti:

1. diplomu o završenom visokom obrazovanju,
2. dokaz o traženom radnom iskustvu (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),
4. izjave kandidata ovjerene od strane nadležnog organa o činjenicama nabrojanim u

tačkama 3. do 8. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Kandidat koji bude predložen za konačno imenovanje dužan je dostaviti Uvjerenja kojim se dokazuje ispunjenost Općih uslova za imenovanje iz tačke 9. i 10., u roku od 3 dana od dana izbora.

Dokumenti koji se prilažu uz prijavu moraju biti originali ili ovjerene kopije.

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“, na web stranici Grada Zenica i korporativnoj web stranici JP «RTV ZENICA» d.o.o. ZENICA.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

Prijavu sa traženom dokumentacijom dostaviti isključivo preporučenom poštom, na adresu:

JP «RTV ZENICA» d.o.o. ZENICA

Bulevar kralja Tvrtka I bb

72.000 Zenica

sa naznakom:

**„NE OTVARAJ - PRIJAVA NA JAVNI OGLAS ZA NOMINIRANJE
KANDIDATA ZA POZICIJU JEDNOG ČLANA NADZORNOG ODBORA
JP «RTV ZENICA» d.o.o. ZENICA“**